

36. ^{Pharmaca.} Antequam autem cauterijs & similibus vtamur, requiritur vt ægri diligentissimè purgentur, præmissis præparantibus, initio factò à leuioribus procedendo sensim ad validiora. Nam qui accelerant cum medicinis fortibus concoctionem; naturæq; modum impediunt, & curam vel in longum protrahunt, vel desperatam reddunt.

37. ^{Præparantia.} Proinde præmissò clystere detergente aut leui purgatione præparatur humor peccans initio leuiter incidentibus, extenuantibus, deinde validioribus, cuius generis sunt mel rosatum, anthosatum, squilliticum, syrupus de betonica, stæchade, hyssopo, de Iua Nicolai, &c. Oxymel à nonnullis improbatur, propter acetum neruis inimicum, quia verò acrimoniam & tenuitatem aceti mirigat mel, poterit oxymel minus acidum cum alijs in progressu exhiberi, quemadmodum si materia non sit ita frigida, nonnihil syrupi acetosi & similium quæ acetum habent.

38. Dantur autem huiusmodi syrupi cum aquis aut decocto appropriato, quale est decoctum Ireos, Acori, Pæonia, foeniculi, seminis anisi, foeniculi, fileris montani, foliorum saluæ, chamæpiteos, beton. hyssopi, chamedrios maioranæ, flor. anthos, stæchados, lauendulæ, primulæ veris &c. Si redundarit materia melancholica, folia melissæ, pulegij, thymi flor. borag. buglossæ radic. helenij, &c. In progressu addatur aliquid radicis angelicæ, aristolochiæ rot. gentianæ, galangæ, visci quercini, summit: centaurij minoris & limaturæ ligni sancti &c. decoquantur hæc plerumque in hydromelite.

39. ^{Purgantia.} Post præparationem humorum per interualla conueniunt purgantia initio leuiora, ex pillulis Hieræ cum Agar. Asaiereth, vel infuso foliorum senæ & agarici in decocto appropriato. Deinde sensim ad validiora procedendum. Verùm in initio, si materia influat aut confertim incumbat in partem